



Mesur Plant a Theuluoedd (Cymru) 2010

2010 mccc 1

RHAN 1

TLODI PLANT, CYFLEOEDD CHWARAE A CHYMRYD RHAN

PENNOD 2

CYFLEOEDD CHWARAE A CHYMRYD RHAN

Cyfleoedd chwarae

11 Dyletswyddau awdurdod lleol ynghylch cyfleoedd chwarae i blant

- (1) Rhaid i awdurdod lleol asesu digonolrwydd cyfleoedd chwarae ar gyfer plant yn ei ardal yn unol â rheoliadau.
- (2) Caiff rheoliadau gynnwys darpariaeth ynghylch—
 - (a) y materion sydd i'w hystyried wrth asesu digonolrwydd;
 - (b) y dyddiad erbyn pryd y mae asesiad cyntaf i'w gyflawni;
 - (c) amllder asesiadau;
 - (d) adolygu asesiadau;
 - (e) cyhoeddi asesiadau.
- (3) Rhaid i awdurdod lleol sicrhau cyfleoedd chwarae digonol i blant yn ei ardal, i'r graddau y mae'n rhesymol ymarferol, gan roi sylw i'w asesiad o dan is-adran (1).
- (4) Rhaid i awdurdod lleol—
 - (a) cyhoeddi gwybodaeth ynghylch cyfleoedd chwarae i blant yn ardal yr awdurdod, a
 - (b) diweddarau'r wybodaeth a gyhoeddir.
- (5) Wrth gyflawni ei ddyletswyddau o dan yr adran hon, rhaid i awdurdod lleol roi sylw (ymysg pethau eraill)—

Statws This is the original version (as it was originally enacted).

- (a) i anghenion plant sy'n bobl anabl (o fewn ystyr adran 1 o Ddeddf Gwahaniaethu ar sail Anabledd 1995 (p. 50);
 - (b) i anghenion plant o wahanol oedrannau.
- (6) Yn yr adran hon—
- mae “chwarae” yn cynnwys unrhyw weithgaredd hamdden;
 - ystyr “digonol”, mewn perthynas â chyfleoedd chwarae, yw digonol o ran nifer ac ansawdd.

Cymryd rhan

12 Plant yn cymryd rhan ym mhenderfyniadau awdurdod lleol

- (1) Rhaid i awdurdod lleol wneud y cyfryw drefniadau ag y mae'n eu hystyried yn addas i hybu a hwyluso plant i gymryd rhan ym mhenderfyniadau'r awdurdod a allai effeithio arnynt.
- (2) Rhaid i awdurdod lleol—
 - (a) cyhoeddi gwybodaeth ynghylch ei drefniadau o dan is-adran (1), a
 - (b) diweddarau'r wybodaeth a gyhoeddir.
- (3) Diddymir adran 176 o Ddeddf Addysg 2002 (p. 32) gan yr is-adran hon.